

《佛說觀無量壽佛經》 補充講表

◎附表十六：

○阿彌陀佛，神通如意，於十方國，變現自在。：或現小身，丈六、八尺。

※《觀經疏妙宗鈔》卷四云：「勝身觀法，修雖不成，而且得知廣大無量。今聞觀小，頓

違前說，寧免輕疑？為拂此疑，故說彌陀神通如意，能大能小，皆全法界；但以重心，觀令成就，勿疑身謝，不生西方。」

※《觀經四帖疏》卷第三云：「從阿彌陀下，至丈六、八尺已來，正明能觀所觀佛像，雖

身有大小；明皆是真，即有其三：一、明彌陀身通無礙，隨意遍周。言如意者有二種：

（一）者、如眾生意：隨彼心念，皆應度之。（二）者、如彌陀之意，五眼圓照，六

通自在。觀機可度者，一念之中，無前無後，身心等赴，三輪開悟，各益不同也。二、明或現大身，或現小身。三、明身量雖有大小，皆作真金之色，此即定其邪正也。」

○是為雜想觀，名第十三觀。

※《佛說觀無量壽佛經義疏》云：「三聖不同，大小有異，故云：雜想。」

○一者、至誠心：即直心也，正念真如法故。依體起用（不變隨緣），用還照體（隨緣不變）。

※《觀經四帖疏》卷第四云：「經云：一者、至誠心：至者，真；誠者，實。欲明一切眾

生身口意業所修解行，必須真實心中作。不得外現賢善精進之相，內懷虛假。貪瞋邪偽，奸詐百端，惡性難侵，事同蛇蝎。

雖起三業，名為雜毒之善；亦名虛假之行，不名真實業也。」

※《觀經四帖疏》卷第四云：「正由彼阿彌陀佛因中行菩薩行時，乃至一念、一剎那，三

業所修，皆是真實心中作。凡所施為趣求，亦皆真實。」

※《印光大師文鈔菁華錄》：「念佛，要時常作將死、將墮地獄想，則不懇切亦自懇切，

不相應亦自相應。以怖苦心念佛，即是出苦第一妙法，亦是隨緣消業第一妙法。」

○二者、深心，

※《觀經四帖疏》卷第四云：「言深心者，即是深信之心也，亦有二種：

一者、決定深信自身，現是罪惡生死凡夫。曠劫已來，常沒常流轉，無有出離之緣。

二者、決定深信彼阿彌陀佛四十八願攝受眾生，無疑無慮；乘彼願力，定得往生。」

○三者、迴向發願心。

※《觀經四帖疏》卷第四云：「言迴向發願心者：過去及以今生身口意業，所修世出世善

根，及隨喜他一切凡聖身口意業，所修世出世善根；以此自他所修善

根，悉皆真實深信心中，迴向願生彼國，故名迴向發願心也。……又

言迴向者，生彼國已，還起大悲，迴入生死，教化眾生，亦名迴向也。」

※《觀經疏妙宗鈔》卷四云：「言至誠等三心者，此與《起信論》中三心義合。彼云：一

者、直心：正念真如故。二者、深心：樂集一切諸善行故。

三者、大悲心：欲拔一切眾生苦故。」

○復有三種眾生，當得往生。何等為三？…三者、修行六念，迴向發願，願生彼國。

※《佛說觀無量壽佛經義疏》云：「發上三心，必修三行。然有徑修三行，義具三心，故云：復有三種眾生等。」

※《佛說觀無量壽佛經義疏》云：「一、不殺是諸戒之首，故別標之。具諸戒行：此上品中，須納大乘菩薩戒。依善戒經，先受五、十、具，後受菩薩戒，故云諸戒。此即對上至誠心也。二、讀誦經典，不唯讀誦，必須學解，發生智慧。此即對深心也。三、迴向發願，對上可知。仍加六念，即念三寶，及戒、施、天，名大乘六念也。」

※天：一、指眾生本具自性彌陀的「第一義天」，而非「諸天」。二、指「自然」之意。

○具此功德，一日乃至七日，即得往生。

※《佛說觀無量壽佛經義疏》云：「（念佛）少至一日，多至七日。舉少況多，欲彰功勝。

則知菩薩大行，一念能行，猶為佛種，況一日七日，寧不往生耶？」

○經須臾間，歷事諸佛，徧十方界，於諸佛前，次第受記。還至本國，得無量百千陀羅尼門。

＊陀羅尼：即總持，乃總一切法，持一切義；又含能持、能遮之義，即持善法不使散，遮惡法不使起。

有四種陀羅尼：（糅合《菩薩地持經》卷第八、瑜伽四十五卷）

一、法陀羅尼：於佛教法，聞持而不忘。

二、義陀羅尼：於諸法之義，總持而不忘。

三、忍陀羅尼：於法之實相，安住不動，謂之忍。以無分別智為體。

四、咒陀羅尼：依禪定發秘密語，能消除眾生之災厄，以定為體。

兩者均以念慧為體。

○上品中生者，不必受持讀誦方等經典；善解義趣，於第一義，：：不謗大乘。

※《觀經疏妙宗鈔》卷四云：「言不必受持讀誦方等經典者：是義持人，不樂讀誦；但於經

中，取一句一偈，深窮旨趣。於絕言思深廣之理，心不驚動；又復其心安住中道，不為二邊之所驚動。了達因果皆是實相，名為深信。」